

73004

續修歷城縣志

續脩歷城縣志

續修歷城縣志

濟南大公印務公司印

甲子秋續脩歷
城縣志局排印

序

戊午冬十月鞏權歷城縣篆凡百措施諸待稽鑑乃屬胥吏檢櫬存舊志則應曰久矣失修案無存書坊間亦尠善本余瞠然久之竊謂歷城爲齊魯首邑文物之盛區域之廣甲於通省今竟無志書可供參考甯非憾事間有舊藏大都紙板模糊完璧難得且時代變遷今古異尚縱有舊志亦應續修方足以資考鏡非然者微特政事興革視爲缺憾而歷下百餘年來之名賢碩士烈女貞婦文獻掌故俱湮沒而無聞豈不可惜於是決志纂修商之邑中耆紳張振卿總憲毛稚雲觀察均欣然樂爲提倡因擇地設局延聘績學之士著手編纂洎余癸亥秋調署泰安計時已五載猶未成續歷城縣志

新序

一

濟南大公印務公司印

書蓋因籌款維艱不能廣聘通儒又兼編纂諸君相繼殂謝或從事他方失修之歲旣久而任事之人更鮮也甲子秋稿已粗成方付排印去歲值南北戰事孔亟地方人心惶恐又不無停頓直至今歲秋始完全裝訂成編余適在省垣事觀厥成差幸初願克償而轉歎張毛二公之不及待也朱邑不能忘情於桐鄉余睹是編蓋不禁中心之忼忼已

丙寅中秋節後前知歷城縣事汾陽靳鞏序

續修歷城縣志序

齊魯乃秉禮之邦歷邑爲省會之地詩有之曰泰山巖巖魯邦所
瞻歷城界泰嶽之陰且在黃河流域中又有鵲華明湖之勝所以
鍾靈毓秀代不乏人或以文學著或以才名重或以政事稱其他
孝義節烈更難覩縷數若無成書以資參證奚以彰前徽昭來許
況夫世變遷流文獻何存由斯以談縣志之在歷邑所關爲尤鉅
矣鴻嘉供職京曹歷有年矣乙丑來東其秋奉檄權歷邑自慚樗
櫟恐懼弗勝下車之始卽求縣志一書以備溜覽冀以覘前賢之
嘉言碩德洞悉舊事藉資考鏡無如舊板既已模糊而又多年失
修迨晤邑中諸父老始悉方事續修縣志已竭六七年之心力旁
續歷城縣志

滕序

濟南大公印務公司印

求博訪搜羅故實續加編纂今者書既告成自乾隆中葉迄宣統
紀元後百數十年中一代典章完全具備固足徵諸紳之苦心孤
詣不憚艱辛卒底厥成而鴻嘉適綰縣符亦與有榮焉遂不揣固
陋而爲之弁言

中華民國十五年歲在柔兆攝提格陽月上浣歷城縣知事東萊
滕鴻嘉謹序

續修歷城縣志序

民國十五年丙寅續修歷城縣志排印將成邑侯滕君鴻嘉徵序於余夫歷邑之有志創始於明季劉氏成書於清初葉氏閱百餘年至乾隆中葉重修於邑宰桂林胡氏又百六十餘年至宣統世變多故而邑乘闕如及辛亥而國體變更邑紳毛君承霖感時事之變遷懼文獻之淪喪於是乃有續修之舉閱六年迄今而告成其書發凡起例一依胡氏其審慎詳核亦足繼胡氏而與之並而其關係之鉅纂訂之難則有什伯於胡志者何也當乾隆中葉世際休明典章文物大備士生其間者罔不優游鑒飫於詩書之府六藝之林率能探討乎掌故研求乎成蹟究極夫地方利弊之所

續歷城縣志

毛序

濟南大公印刷公司印

在以養成其學識雖隱居教授皓首無聞而文獻之徵於焉斯在歷爲齊魯首邑風會所趨人才尤彬彬焉胡氏於是置官局延名流搜遺而訪失正譌而增脫彙羣材而成一書宜若甚易乃讀其弁言則其難其慎兢兢焉以不竟厥事爲恐甚矣志書之難爲也自清季變法圖強佔畢之儒爲世詬病改革以來舉世之人視前代之典章無關於治亂曾不足以少留意而一二老成凋零殆盡其存者或牽於事變或困於兵荒儼然不可以終日奚暇從事於丹鉛哉而毛君獨與二三同志慨然任之卒底於成其視胡志之難易概可知矣夫歷之爲邑舊矣而志書之作實始於有清葉氏開之於其始胡氏踵之於其繼而毛君則成之於其終後之覽者

猶得據此一代之完書考知一邑之形勝與風俗人才之盛衰毛君力也所關豈淺渺哉獨惜是書成而毛君則以衰病死矣悲夫且君之修是志也體例一本胡氏亦自有說昔之精於志例者莫如章學誠氏章氏之書於志乘率少許可雖朝邑武功之赫赫皆詆之以爲非體而於胡志無譏焉其答廣濟黃大尹書則稱引周書昌李南澗合修歷城縣志無一字不著來歷之論周李二氏卽胡氏所延聘而其論卽胡志之例言也胡志之無憾較然矣章氏又曰前志無憾但當續其所有前志所闕但當補其所無此尤爲續志者所當奉爲圭臬之論由是言之毛君之依胡氏體例正深明志例而得章氏遺意則是書之無憾又較然矣至其體例之精續歷城縣志

毛序

二

濟南大公印務公司印

善備見於前志之序言茲故不復贅述云

民國十五年丙寅十月上澣山東省長公署政務廳廳長毛振鶚拜撰

續修歷城縣志序

歷城爲古譚子國其見於詩者詠杼軸之空輿斗箕之歎以視乎
猗闕之並驅總角之突弁迴不相侔矣然旣爲吾東省會之區齊
在其東魯在其南地勢沃衍山川邈迤土物可愛人才閒生岱宗
之神秀高接層雲河水之奔流羣驚駭浪撫斯土者宜何如體恤
民艱始無愧休養生息之術也縣志自乾隆年間胡君書巢因舊
志續修部分類居犂然有當至今更百餘年風俗之厚薄人才之
興衰以及因時建置過客留題有可以辨星野之疏補風化之缺
者聽其散失而罔知哀集不得謂非後起之責也夫佛慧峰青及
龍洞而天開異境明湖水碧對鵲華而山抱名城正不獨七十二

續歷城縣志

張序

一 濟南大公印務公司印

泉爲足徵深源之靈異也駐東藩之阜蓋朗吟工部之詩騁馬足
於龍山輒詠坡仙之句迄於今舊學荒蕪世風日降棄道德而競
功利莫知禮義之防尙權詐而驚浮夸遑論詩書之澤流極旣衰
世變愈亟將古之所謂困役而傷財者反笑古人之拙而酒漿珮
璲不必賡雲漢之有光棘匕簋殮不必詠周道之如砥且將以詩
人之憂傷爲多事矣今日者網羅舊聞不及時事葛屨可以履霜
周行之往來依舊樓薪可以無浸沆泉之清冽常新使後之人覽
此志者或因時局之變遷而謂纂言紀事者不復論時代之升降
夫亦可諒其苦衷矣此書之成始於己未七月竣於甲子九月閱
六寒暑始克歲事乾嘉道咸以來百餘年間人才之繼起民物之

繁興燦然大備撫今追昔猶想見鍾毓之靈閔數千百年而今不
異於古者非盡關乎氣運亦民風之儉勤士習之醇謹有以正其
趨而爲之防始克歷久而不渝也近聖人之居自當以誦詩讀書
爲準而非聖無法在所必黜矣爲聖人之徒自當以正誼明道爲
衡而見利忘義在所必懲矣無已太康職思其居民俗之節儉當
如唐風之好樂無荒也饁彼南畝田畯至喜農事之勤劬當如豳
風之于耜舉趾也滄浪濯纓歌傳孺子單椒秀澤雲簇華峯民風
近古非獨一邑之光百八邑乘庶幾有所矜式也吾願讀此志者
知有關於世道人心之大勿視爲空言著述也夫乙丑春二月邑
人張英麟序

續修歷城縣志序

粵自己未之夏山東通志續稿告成吾邑同人爰有接修歷城縣志之舉於是廣搜故實博訪遺文竭六年之力而始成書可謂難矣歷之有志始自國初葉氏奕繩本明崇禎時劉氏之書廣續成之歷年既久書已無存至乾隆中葉桂林胡氏書巢宰是邑迺集諸名士蒐羅裒輯凡數歷星霜然後脫稿刊行自漢唐以迄

國朝乾隆中葉徵引博洽體例精嚴談邑志者稱焉獨是自乾隆辛卯以後又經一百六十餘年迄無續修之舉歷爲齊魯首邑領袖一百八州縣泰山臨其南黃河互其北又有鵲華明湖諸勝靈秀鍾毓代有聞人或以政事稱或以文學顯與夫孝義節烈畸行

續歷城縣志

毛序

一 濟南大公印務公司印

異蹟藉藉在人口者所在多有乃求之公私著錄書闕有間徵文獻者每引以爲憾夫此百餘年來其間學術之廢興世風之移易人才之消長幾乎月異而歲不同降而至於今日時經變亂世閱滄桑不於此急起直追將吾鄉之掌故永泯泯而無徵豈不大可懼哉然及今時而擬網羅軼聞訪求故事稽之於公家則冊籍已蕩然無存問之於故老則耆儒又彫零殆盡欲如胡氏之延致名流肩編纂之任其難不啻倍蓰乃諸同人於若絕若續之交搜剔爬羅不遺餘力通志府志而外或掇之名賢遺集或采之荒榛殘碑凡有關於歷下事蹟莫不條分縷析搜採而備書之用力之勤用心之苦不因難而廢事卒底於成其志量之堅卓有不能殫述

者矣是書始自乾隆辛卯以後斷自宣統辛亥而止以成一代典章遵通志例也釐爲五十四卷門類體例一以胡氏志爲歸事實無可考者蓋闕如也編輯旣竣同人以予領局事久屬爲弁言於簡端因陳其崖略如右甲子夏日邑人毛承霖識

續歷城縣志

毛序

一二

濟南大公印務公司印

續修歷城縣志凡例

歷邑舊有志書康熙時爲葉志乾隆時爲胡志茲之所續續胡志也門類體例一遵胡志已見原書者概不重錄凡稱前志者皆指胡氏志而言其有採自葉氏志者則祇稱葉志

續修之舉起於光緒季年至宣統三年軍事陡起倉卒之際錄稿十餘帙實未成書近自己未秋檢出原稿重加釐訂計刪削者十之二三增益者十之五六或本採訪或錄舊籍均於各條下注明其有仍用原稿者則注曰續修縣志初稿或省文曰初稿

道光年間重修府志時本有接修縣志之議當時吾邑採訪冊甄錄綦詳十年前刊印通志時於書肆中購得十冊取校府志實爲

續歷城縣志

凡例

一

濟南大公印務公司印

當時原冊今茲續修縣志頗得依據除府志通志外採自是冊者概曰續修府志採訪冊其曰府志兼採訪冊者亦指是冊而言

康乾兩朝

翠華疊次巡幸駐蹕省垣

睿藻

宸翰前

志搜羅宏富自乾隆戊辰以後

聖駕南巡俱不過省垣

聖製遂不易得卷首故爾闕如

縣志多載星野藉以占驗然一邑之地度數難以詳爲畫分且各書所載不同益見紛糅至於占驗亦儒者所不道前志已略具梗概茲不再贅

胡君修志時正在歷城知縣任內關於里社戶口田賦等事稽之署中案卷而已足茲則署中案卷不能任便調查且聞年久亦多

不全或詳或略不能一致然祇據所見書之不敢逞臆杜撰也
國家幸際承平百餘年來士食舊德農服先疇邑之人敦禮教務
耕織風俗原無殊於古昔近自學堂開辦漸染歐化風教視昔遽
殊然省垣之地異方膺集未可以概土著也無煩觀舉

續修縣志初稿採取物產甚多然細加覈核如花木果蔬之類大
都北方皆產非吾歷邑所獨有應亦無庸闌入

此次續修開辦伊始山水建置古蹟三門徐主政庚生任纂藝文
一門張農部百之任纂均未及成書先後逝世遺稿由同局諸人
補綴而成於原纂人初意慮未必繩削悉合惟原纂既費數年搜
討之力不便輕於刪削又二君編纂之際從友人處搜羅文籍甚
續歷城縣志

凡例

濟南大公印務公司印

衆過時已多返之原人其所手錄間有一二可疑之處無他底本
可以核對邦人君子有得見原書者幸是正之

胡志於山水一門提挈綱要脈絡分明舉凡岡巒嶺峪之起伏湖
河泉水之漫衍悉附著於各段之中茲既不能重錄原文而山之
次序則仍以胡志爲準水則大小清河而後泉與泉爲類湖與湖
爲類其餘橋梁津渡酌以道里遠近亦各以類從焉

七十二泉之稱見於金名泉碑前人已譏爲俗筆今卽胡志考之
已不止七十二蓋吾邑爲濟水伏流泉源競發之地時隱時見正
不必一一指其名以實之也

人物列傳爲趙孝廉子開初編趙爲膠州人於邑人素少接洽自

無瞻徇未逾一年趙因疾返里旋即逝世編成之稿由總修毛君核定嗣後有增錄亦以卒在宣統三年以前者爲斷以符定例
濟南商埠光緒末年開辦於建置中工程最巨且於外人時有交涉履斯土者不可不知其原委特將原奏定章程詳載以供披覽
學堂亦興於光緒末年然尙在萌芽之時通省垣計之不過數處今計自宣統三年以前開辦者約略開列其餘俱未列入
兵防爲國家整軍經武要政前志所載皆綠營舊制初稿原帙續錄數條以校前志頗有出入現無近年案牘足資印證且綠營已裁故爾從闕

古蹟亭館多爲騷客吟詠所託卽一木一石而名賢遺迹在焉如

續歷城縣志

凡例

三

濟南大公印務公司印

名士軒白雪樓雖世代悠遠定址難尋然荒榛斷梗彌足動人憑弔之思披覽先哲遺編依類以求苟有所見雖舊址無存亦悉爲著之以誌嚮往

古蹟中諸家記載詳略不同更兼有隱相牴牾之處蓋歲遠則異同難密事積則起訖易疏既均傳自往古因並列之以待後人之考證戴記曰皆如其國之故茲亦期無失其故而已

有本係一地而先後名稱不同如朗園卽迷園前明則爲賢清園按代分別各載以清眉目其他可以類推

又有諸家著錄傳寫不同如匯泉寺或作慧泉壽聖院或作聖壽朗園或作琅園各從所採原本錄之不能從同也

也可園退園均在衙署內然既以園名則仍列入亭館

匯波樓卽府城之北門城樓前人登高題詠多延攬明湖風景故仍附入大明湖亦前志例也

近世士大夫耽心嗜古金石幾成專門之學縣志開局關於吾邑金石特延滇南夏君魯生編纂成帙復由其弟麗生補綴輯成二卷近今吾邑發見金石大致備具惟古文篆隸等書鉛字排印不能強以比附多用近體改寫遂失其真不無遺憾

前志職官表內特載內外汎武職今則綠營陸續裁汰舊日將弁亦凋零殆盡竟無從採訪故從闕如

張文忠養浩爲元一代名臣所著歸田彙稿一書關於吾邑掌故續歷城縣志

凡例

四

濟南大公印務公司印

最多乾隆時板已散失胡書巢採錄雲莊諸詩多取之元詩選茲得周書昌重刊本披覽一過關於吾邑故事爲前志未及採者分門纂入旣以存一邑文獻且以彰先哲遺著

易安居士爲千古名媛前志附其父列文苑傳獨改適一事未免蒙詬近世士大夫援證時事著爲篇章爲之辨誣者甚衆足爲前人洗濯誠一快事爰採掇其辭附之雜綴著書者均非邑人當不爲阿其所好

嘉道以來邑人文學最著如翟

凝周

奕震

謝焜

何

鄰泉

周樂

余正

西

俱以詩名鷗杜聯盟觴詠詩酒足爲湖山生色其時官遊僑寓亦多雋雅之士採錄詩篇以此際爲多想見當年文物聲名之盛

前志以傳經者列儒林能文章者列文苑自明以來傳經者益鮮
今凡有文學者俱入文苑其學行足爲人師表者附諸一行而儒
林則任闕勿濫

列傳分類爲九各從其著如李敷榮博學多通而最以醫著故入
方伎李醉琴頗有文學而本係道流故列仙釋餘可類推

前志列女 國朝得三百一十人蓋其慎也近自新通志出已逾
二千人加以兩次採訪及邑人陸續錄送其數益繁人數既多先
後有無重複及是否已見前志頗費鉤稽然事關微顯闡幽與其
遺也無甯複也此心可以自問

著述一事莫要於稽古况修邑志尤非博考羣籍不足以廣見聞

續歷城縣志

凡例

五

濟南大公印務公司印

吾邑藏書之家素鮮開局後需用書籍多從友人借貸扶溝柳純
齋太守僑寓稷垣搜羅東人著作甚富不吝乞假承惠良厚此外
則假之邑人劉君恆發呂君志瀛爲獨多云

校書如掃落葉愈掃愈多此次用鉛字逐日排印工人不及久待
校讐倉卒尤難致詳茲於裝訂成帙後覆校一次附錄刊誤表仍
不敢謂無疏漏也

郡縣志書例數十年一修今距胡君修志之時已百餘年其間豈
無通儒宿學足任纂述之事者然或甫議興修未及削簡或方事
著手未能成篇誠以茲事體大頭緒萬端非率爾所能操觚同人
等學非班馬識類管瓶乃欲於絕續之交比迹前軌何能勝任愉

快惟是賢者識大不賢者識小世變日亟文獻遺微將就歇絕及今爲之猶有枌榆之遺耆可以訪求斷爛之殘篇可以掇拾過此以往將並此而亦無之更大可懼是以竭數載之勤手鈔筆錄彙成此帙他日更有大著作家復卽是編重行刪訂則是編聊備採取之資可耳

輿地非圖不明近來學校尤講求精密吾邑向無精密細圖聞測繪學校有之未得借觀茲關於縣之全境仍用通志局之圖而加入鐵路其城廂圖則倩測量正王君慶升仿測繪學校圖爲之惟原圖衙署多近今名稱茲仍改依舊稱至商埠圖則依商埠局製成者均用石印法仿印以存梗概

續歷城縣志

凡例

六

濟南大公印務公司印

語云百聞不如一見邑人採訪所及有足證前志之誤者閒注一二以資訂正

續修歷城縣志凡例終

東度十六分

東度零六分

東一風

東五十四分

東四十八分

東四十二分

東六分

三、

五、

三十六度
五十七分

三十六度
五十一分

三十六度
四十五分

三十三
九六
分度

三十六

